



ATASSUT

UPA2015/7

Steen Lynge

20.05.2015

Nunatta Karsiata 2014-imut naatsorsuutaasa Inatsisartunit akuerineqarnissaat pillugu Inatsisartut aalajangiiffigisassaattut siunnersuut.

(Aningaasaqarnermut Aatsitassanullu Naalackersuisoq)

Nunatta Karsiata 2014-imut naatsorsuutaasa Inatsisartunit akuerineqarnissaat pillugu Inatsisartut aaliangiiffigisassatut siunnersuut imatut Atassut-mit oqaaseqarfigissavarput:

2014-mut naatsorsuutit inernerit, 2014-mi sinneqartoornissamut naatsorsuutigisimasanut illuatungiliunnera ersersinneqartoq takuneqarsinnaanngorpoq.

Soorlu Naalackersuisunit paasissutissiissutigineqartutut, Nunatta karsia 2014-mi IS-imi amigartooruteqarsimavoq 222 mio. koruuninik, naak missingersuusiani naatsorsuutigineqarsimangaluartoq ilassutitut aningaasaliissutit ilanngullugit 24 mio. koruuninik sinneqartoornissaq, tassa imaappoq 246 mio. koruuninik uniuisoqarpoq. IST-mili inernerit 154 mio. koruuninik amigartoorfiupput, missingersuusiani ilassutitut aningaasaliissutit ilanngullugit 51 mio. koruuninik amingartooruteqarnissaq naatsorsuutigineqarsimangaluarluni, tassa imaappoq 103 mio. koruuninik uniuisoqarluni.

Taamatut naatsorsuutigisat nikingatigineranik Naalackersuisut aamma paasissutissiineranni erserpoq – nassuiaatissat assigiinngitsunik peqquteqarneri. Tamakkuli maani utissanngilakka, eqqaalaaginnassavarali, akitsuutitigut aamma akileraarutitigut isertitakinnerunermut peqquutit malunnaateqarluartut ilagimmassuk namminersorluni inuutissarsiornerup iluani suliassat annikissimmammata.

Namminersorluni inuutissarsiornerup iluani suliassat annikissimanerat annertuumik aallaaveqarpoq 2014-mi sanaartugassaqartitsinerup appasissimanera. Sanaartortitsineq 2014-mi 396 mio. koruuninut inissisimasimavoq. Sanilliullugu taaneqarsinnaavoq 2013-mi sanaartortitsinermut



anigaasat 773 mio. koruuniusimasut. Qanorluunniit sanaartortitsinerup appasinnera sanaartukkat naammassiniarnerinik aamma qinersisoqarnissaanik nalunaaruteqarsimanermik nassuiarneqassangaluarpat, taama suliassat appasitsiginerinerisa takutippaat, qanorluunniit qinersisoqariataartoqaraluaagalluunniit suli at anigaasalersorneqarlutik akuerineqareersimasut ingerlaannarsinnaanissaasa qulakkeerneqartarnissaannut iliuuseqartariaqarnerput. Tamanna aqqinneqarsinnaavoq 1) sanaartugassat pitsaanerusementik pilersaarusionerqartarneratigut, 2) kommunit suleqatiginerisa pitsanngorsarneqarneratigut aammalu 3) suliniutinut anigaasalersuinerup inatsisitigut sinaakkutaasa eqaallisarneqarnerisigut.

Aamma avaqqussinnaanngilarput, pisortat inissiaataasa tuniniarnerinut isertitatut naatsorsuutigisat naammaginaratumik ingerlasimanninnerisa annertuumik isertitanik amingaateqarsimanitsinnut sunniuteqarsimanera. Taamtut nammineq ineqalernissamut tunuarsimaartoqarnera ilaatigut aallaaveqarsinnaavoq, ineqarnermut politikkip allanngorarsimanera aammalu suli aalajaatsumik politikkeqarani, illuatungiliuttut piffissat ingerlanerini erniat ilanngaataasinnaanerinut allanngoratumik isummersortarsimaneri pissutaalluni. Nammineq ineqarnikkut pilersornissamut toqqissisimanninnermik tunuarsimaarnermillu pilersitsisarmat.

Atassut-mit nuannaarutigaarput, amigartoorutit pisortat ingerlatsinerumut killeqanngitsumik atuiupilunneranik peqquteqanngimmata. Illuatungaanili pisortat allaffissornikkut anigaasartuutaat annikitsuinnarmik ukiunut siuliinut sanilliullugu qaffariaateqarsimammata. Ingerlatsinerumut anigaasartuutit tapiissutillu katillugit 2013-miit 2014-mut 0,2 pct.-iinnarmik qaffariaateqarsimapput, piffissamili 2012-miit 2013-mut 2,69 pct.-imik qaffariaateqarsimallutik. Tamanna pitsanngoriaataaalluarpoq ajunngitsumillu ineriartornerulluni.

Atassut-mit nuannaarutigisatsinnik paasivarput, peqqinnissaqarfiup iluani siullermeerluni ukiuni 7-nni atuivallaartoqarsimanninnera. Tamatumap takutippaa, naammassisaqarsinnaassutsimik suliniuteqarsimanerup inerititaqarfiulluarsimanera. Tulluusimaarutigisinnaavarput, nunanut avannarlernut sanilliulluta anigaasaqarnikkut naammassinnissinnaassuseqarnerusementik ingerlatsinerput, naak anigaasaqarnikkut najugaqarfiit aamma isorartuumi siammarsimanerput unammillernartoqaraluartoq.



ATASSUT INATSIARTUNI

Atassut-mit partiit tamaasa kajumissaarusuppavut sanaartornikkut suliaasaqartitsinerup aalajaatsumik ingerlalnissaata siuarsarnissaanut sinaakktissanik suleqatigiinnermut akuulluarnissaannik, taamaasillunilu aamma nammineq iniutillit siunissami toqqissisimanarnerusunik atugaqartinneqarnissaat pillugit partiit isumaqatiginninniarnissanut suleqataanissaannik. Tamatumap malitsigissavai sinaakktissat pitsaanerit aalajaannerillu.

Taamatut Atassut oqaaseqaateqarluni immikkoortup kukkunersiunerit ataatsimiitsitaliamut ingerlateqqinneqarnissaa innersuussutigissavaa.